

Comedia humoristico di Grupo Extension 87

CUDISHI TA BURACO DEN SACO

ORANJESTAD(AAN):

Despues cu aña pasa e grupo teatral Extension 87 a sali atrobe riba escenario, hopi ta esnan cu a keda encanta cu e calidad di comedia cu nan a goza di dje, segun e organizadornan cu a informa cu e grupo aki ta sali riba escenario dentro di algun siman cu otro comedia humoristico di Jeffrey Schuilenburg, titula "Cudishi ta buraco den saco".

Esnan cu ta cora e grupo aki, forma pa ROy Nicholson den final di decada 80, ta esnan cu ta broma cune awe ya cu aña pasa nan a soldout 7 sala. "Esaki ta muestra cu e pueblo a keda contento cu awor Aruba tambe tin su mesun comediantan humoristico di calidad", segun e organizadornan di e anochi teatral.

"Si aña pasa "Cani mi pa mi cano bo" a pone e audiencia hari te yora, e biaha aki e audiencia por ta sigur cu "Cudishi ta buraco den saco" lo pone nan lora abao den Cas di Cultura y sali bai baño pasobra hopi ta esnan cu lo muha nan paña di hari-mento, y despues core busca carchi pa otro anochi", segun e elenco.

A ser informa cu manera

cortina habri, humor lo gara e publico hinke den trans te ora cu publico su aplauso ta señal cu nan a yega fin di e obra.

"Esaki ta e garantia cu tur hende lo tin despues di mira e obra aki skirbi y dirigi pa Jeffrey cu ta conoci pa su actuacion na Aruba y guiando un elenco magnifico di actornan local, cu un biaha mas lo demostra nan talento y clase profesional", segun e organizadornan.

Cudishi lo ta e base di e comedia aki y tur debi cu ta sospecha un portuguez di ta meti den labamento di placa.

Edibert Diez, Don Teto den comedia "Cani mi pa mi cano bo" lo ta den e obra como inspector Hugo Nectarin, alto mando policial di e pais. Jeffrey Schuilenburg lo actua como Chuby, e choller. Jeffrey ta conoci pa su papel di Wawa Pata Corta durante carnaval na Tele Aruba.

Lilian "Shi Preke" besselink ta hunga papel di Lola y ultimo tempo tambe ta ser mira na Tele Aruba cu su manera di pensa y papia di antes.

Ricardo Croes lo ta e gerente di un di e banconan mas grandi di Aruba y e sen-



sacion di Cani mi pa mi cano bo, Henry Hernandez e biaha aki ta Herry, e polis cudishi cu ta gusta papia hopi y haci hopi "herrie" mes, pero cu no ta bal nada den e cuerpo di polis. Sonny Vrolijk, ta Manuel portuguez, Shanon Noguera e bendedor di biyetchi y pilar, esposa fiel di inspector Hugo Nectarin.

Tony Sneek conoci pa su papelnan y actuacion humoristico ta hunga papel di Don Jose, e portuguez sospecha di ta laba placa. Kenneth van Putten ta personifica Kenny, un tecnico burachi, y Geraldine van Cleef, conoci

tambe pa su actuacion loco loco ta hunga papel di un señora campeon den hacimento di redashi. FEchanan reserva na Cas di Cultura ta dianan 22, 23, 24 y 25 di maart, 27, 28 y 29 di april, y dianan 4,5 y 6 di mei.